

欽定石渠寶笈續編

欽定石渠寶笈續編

第五十六

寧壽宮藏 十三

列朝名人書畫 五

明宣宗畫魚缸 一軸

本幅絹本縱二尺五分橫一尺八寸淺設色
畫玻璃缸蓄魚二十頭款宣德御筆鈐印一
廣運之寶

御題行書

魚樂非闕濠上尋玻璃缸影露浮沉看他响藻
乘波趣頗見民胞物與心 乾隆丁丑春御題
鈴寶二 乾隆宸翰幾暇臨池

鑒藏寶璽

八璽全

樂壽堂鑑藏寶

收傳印記士奇之印登仙亭子都穆於思緝
印岳歌館

謹按是幀有士奇之印或宣宗寫以賜楊士奇者也

徐賁廬山讀書圖 一軸

本幅宋箋本縱二尺二分橫八寸二分水墨
畫山居深窈飛瀑三疊景款廬山讀書書洪
武丁丑春日徐賁寫鈴印二徐賁之印幼文
御題行書。

翠巖林蒼依巖摘草堂試問研精者先生可
姓匡 乙亥夏御題鈴寶二得佳趣幾暇怡情

鑒藏寶璽八
樂壽堂鑑藏寶

徐賁聽泉圖 一軸

本幅宋箋本縱四尺四寸橫一尺一寸五分
水墨畫山寺松泉下有亭榭橋艇一人攜杖
臨流自書詩千重磴道穿濃靄一徑蘂叢聽
瀑泉萬壑朝看雲似海衆峰晴吐石中蓮肩
輿挂酒尋高寺埽壁題詩憶昔年安得乞為
投老地任情游戲任情眠乙酉冬日作此圖
於元韻齋因憶昔年有登九華一詩彷彿其

意用書幀首東海徐寅印二寶幼文

御題行書

幼文詩畫稱雙絕真蹟居然見聽泉石瀨月娟
杜工部香鑪日照李青蓮滔滔流水自終古落
落長松是大年想見山川得神以九龍深處抱
雲眠 甲戌夏閏題即用幀間原韻幼文有眠
雲軒圖同藏內府故結句及之御筆鈴寶二乾
隆

鑒藏寶璽

全八璽

樂壽堂鑑藏寶

趙原聽松圖 一軸

本幅素箋本。縱三尺三寸六分橫一尺六寸八分。淺設色畫。疊嶂晴雲。下有草堂。環以竹樹。隔溪偃蓋松一株。堂中二人對坐。款洪武五年仲春望前。趙善長寫于龍陵寓齋鈴印二。趙原於我如浮雲。

御題行書

對坐高人意各超。喬松風入響蕭蕭。聽來祇作

雲濤想不擬徵招與角招 甲午初夏御題鈴
寶二幾暇怡情得佳趣

玉池

御筆 意超凡筆 鈴寶二乾隆御筆八徵耄念
之寶

鑒藏寶璽 樂壽堂鑑藏寶

朱芾蘆洲聚雁圖一軸

本幅宋牋本縱三尺七寸橫九寸六分水墨
畫遠岫沙洲衰柳叢篠蘆中宿羣雁標蘆洲
聚雁圖自題夜窻翦燭聽雨偶閱叔升錢君
所畫古木寒鴉小景不覺技癢因寫蘆洲聚
雁以配之適友人黃德謙在座曰此瀟湘水
雲景也昔年過二妃廟今復觀此圖恍若重
遊但少苦竹翳深耳余遂添叢篠於其間殊

有天趣并賦詩一絕云夜窻聽雨話巴山又
入瀟湘水竹間湘浦冥鴻誰得似碧天飛去
又飛還甲寅春三月脩禱日朱孟辨在西掖
記鈴印一朱孟辨

御題行書

雨宿風鳴致各超叢蘆苦竹恣逍遙冥鴻無意
工商調那問冰絃第幾條癸未春日御題鈴
寶二乾隆

題籤

御筆 朱芾蘆洲聚雁圖 能品 鈐寶二 乾隆宸

翰 稽古右文之璽

鑒藏寶璽

八璽全

樂壽堂鑒藏寶

收傳印記 汝礪 李應禎印 四明謝氏寶漢樓
真賞 容若鑑藏

謹按朱芾字玉辨松江人官中書舍人明制
中書能書者直文華殿能畫者直武英殿故
云在西掖也是蹟見書畫彙考

邊文進歲朝圖 一軸

〔本幅〕素箋本。縱三尺四寸二分。橫一尺四寸三分。設色畫古銅方壺。貯如意。羣卉。款宣德二年春正。隴西邊文進製。鈐印一。景昭有王孟仁題。

御題行書。

松柏梅椿蘭水仙靈芝天竺間便娟更看朱柿
偈如意名寓其然豈易然 辛卯歲朝御題鈐

寶二乾隆

歲朝圖稱歲朝懸宣德貽今三百年。松竹梅蘭
結好友柏芝榛柿悟同禪。水仙似許看半面如
意惟徵獲十全所欲奢哉消數筆。淳于髡語笑
應然。癸巳元旦御題鈴寶二會心不遠德充
符。

東風胎蕩正吟詩。即景酬春酒滿卮。遙識幽
居多得意。瓶中花木已先知。金陵王孟仁。鈴
印二王孟仁印。元甫

玉池

御筆履端集慶鈴寶一乾隆御筆

鑒藏寶璽八璽樂壽堂鑑藏寶古希天子八徵耄

念之寶

收傳印記天籟閣長洲文氏

謹按遼文進字景昭沙縣人水樂間召至京師授武英殿侍詔見縣志王孟仁金陵人山
水清潤有法文徵明極喜之出金陵瑣事

金潤谿山真賞圖一卷

本幅素箋本縱九寸橫三尺三寸四分設色
色畫江山晴景竹間茅屋一人憑檻臨流款
靜虛寫谿山真賞圖時年七十四也鈴印一
金氏圖書

引首谿山真賞圖篆歐陽序書八分鈴印二歐
陽序印聽秋齋

後幅自題并諸家題跋

海天氣重春雨多。洗出崖岫堆青螺。板橋無人流水急。我家茅屋依山阿。巖頭磊石欹野樹。若翁見之皆畫意。常時坐看白雲生。愛此谿山最佳處。夜深夢訪方壺投我五色珊瑚珠。謂是古媧補天法。餘墨塗作烟霞圖。扶下銀河數千尺。洗我胸懷勞眼力。不如持向太華峯。且對斜山懸石壁。蒼松頂高雙鶴棲。夢得霜翎千歲志。麻姑不老玉芝老。便當借此一雙騎。成化戊戌孟春吉旦。中憲大夫知南安府致仕加封中議大夫黃治尹江左靜虛翁書。鈴印三壺天。伯玉。神仙中人。芝譜茶經手自刪。戲將餘墨寫谿山。十年走遍金陵路。却笑相逢在此間。庚子九月五日。偶遇堅遠兄書森閣太守金公畫卷題此。記之。吳寬。

題溪山真賞圖詩後。

一鹿出守南安。馬坐。

對梅花看山色。歸來盡發胸中奇。畫妙詩清
兩無敵。想當盤礴欲畫初。侍郎拱立懸金魚。
欣然凭几掃素楮。秋兔飽墨春雲舒。蒼崖石
古樹枝老。遠與微茫看轉好。堤斷平波旋落
花。橋迴細路迷芳草。江風蕭蕭吹石城。耳邊
芳鬢聞松聲。神仙中人在我輩。海上寧有丹
邱生。圓成不盡溪山趣。擊節高歌寫長句。翩
然雙鶴下青冥。玉立松頭不飛去。人生才美
宜盡然。公乃獨得天之全。區區辭翰餘事耳。
富貴壽考誰能肩。陳君妙中東林選。重是多
年不相見。只尺新圖遠寄將。情逾一匹好東
絹。焚香洗盞開黃封。要我來看畫高堂中。王維
老去杜陵遠。識者悠悠那得達。南安太守金
公。今南京少司寇冠緡卿之尊府。鄉進士陳君
堅遠之岳翁也。公之畫妙絕一時。詩亦清麗
以堅遠久寓京師。手作斯圖并詩以寄之。余

往年獲拜公於金陵里第。茲復識堅遠于金陵。逆旅翁婿之間。幸內交焉。冰清玉潤。方切歌慕之無已。矧親其畫。誦其詩。能已于言乎。敬書其後。不覺辭之觀縷也。時成化己亥夏六月未盡二日。仁和馬迪書於玉河之寓館。鈴印三扶風庭簡南坡草堂。簪組久束縛。忽起清溪想。挂冠飄然歸。日夕卧林莽。山氣春濛濛。曉色日盎盎。相看得真趣。偃仰心獨往。緬懷東床人。未許濯塵鞅。安得縮地術。同此探幽賞。發墨脫巾衣。貌出真景象。圖窮逸興長。題詩幾絕響。畫以追營邱。詩以凌擘壤。妙哉有無聲。老去發英爽。白絹玉斜封。遠寄走所養。開緘心恍然。身已入蒼蒼。遍示儒林中。所願知者廣。為君作此詩。聊博一撫掌。長洲陳璚鈴印三。長洲玉汝成。不棹范蠡舟。那得五湖名。不著靈運屐。空有

東山情。十年食京師。白戰幾縱橫。黃金汨人
心。身等春雪輕。況飲燕市酒。候起結豪英。拔
劍慨千古。期許殊不平。斷彼是非論。得與兒
輩爭。鵝豈籠內棲。魚在釜中行。春屋花入好。
燕子還營營。豈無江海願。心跡偶未清。醒筆
紀大夢。一笑不敢成。昨來都鑒書。寄君乃無
聲。示以高世志。烟霞喚初盟。雖弗掉臂往。聊
假洗塵纓。因羨有道者。豈其小浮生。樵居杜
黃。太守靜虛翁。清才妙化工。十科名北苑。三
到南宮。每會谿山異。相看結構同。腕頭珠有
力。心跡豈無功。赤岸銀河合。龍潭鳥道通。危
橋隄石處。矮屋亂雲中。門巷非秦日。衣冠有
晉風。若耶那絕壑。太華監晴空。釀雨雲飛騎。
懸崖瀑掛虹。微茫分島嶼。彷彿入崆峒。釣艇
清波漾。禪宮碧樹叢。水龍經歲蟄。松鶴欲霜

沖村店滄洲北仙家玉井東
翠霧溟濛古渡寒莎碧秋林夕照紅
靈源澄石瀨冷葉墮霜楓覓勝身曾到
一揮成慷慨長嘯更冲融半陣應難敵
底可攻東床懷瑞鳳尺牘寄冥鴻陳氏
士當時願壽公好奇疑入醉得此愜于
辰臨風卷如惟載月逢壯遊羈短屐佳
孤桐清玩延吟客珍藏或阿童何當詣
賈酒入新豐鍾山外史性嘉鈴印三萬
處人本初印江上清風山間明月
差我溪下山澄澈山下水風定水不波
照潭底雲出雨太虛雨後山如洗政暇
桐雅調誰相理山高水自流清輝共今
庚周玉中鈴印一時可
山好溪亦深溪深水流急中有人家倚石根
村北村南遍踪跡南安太守白鶴軀
瀨露痕

滾口能吸宋之米芾唐王維妙墨佳詩何處
覓偶塗一紙溪山真賞圖遠寄長安果無敵
長安佳倩才且良時時展卷張高堂索歌于
我亦何拙我歌茫昧無所長浩氣磅礴極千
古劇削奇特勞千將混沌已鑿狐鬼笑移山
無謀空自忙秦鑒書周博士十洲三島歸何
處人間真偽邀難求江上斜陽幾株樹淮南
蔣誼題鈴印三治心翁州元亭宗誼

鑒藏寶璽

金

璽

樂壽堂鑑藏寶

收傳印記吳宗王印吳亦先收藏印亦先珍
賞陳氏嗣宗圖書休寧朱之赤珎藏圖書朱
之赤鑒賞卧菴所藏子孫保之寶言堂白齋

手緘白齋珍賞書癡畫癖從吾所好

謹按金潤字伯玉上元人正統間鄉貢歷官
安南知府歐陽序字惟禮江寧人福州府幕
官陳璠字玉汝長洲人成化間進士歷官南
京左都御史杜堇字懼男又號極居古狂丹
徒人占籍京師周孟中字時可廬陵人成化
進士累官副都御史蔣趙字宗誼句容人成
化丙戌進士官御史改中南少司寇縉御乃
潤之子中人也

陳憲章畫梅花一軸

本幅絹本縱三尺六寸橫一尺九寸三分水
墨畫款萬玉爭輝八分書正統二年穉八月會
此陳憲章寫鈴印三靜齋陳口口口之

鑒藏寶璽八厘樂壽堂鑑藏寶

謹按陳憲章名鉢以字行號如隱居士會稽
人畫梅與王謙齋名嚴氏書畫記有忠孝畫
梅二

姚綬雜畫 一卷

本幅素綾本。縱八寸八分。橫一丈九尺八寸六分。第一。水墨畫松上藤。款古松拏攫如蒼龍。濤聲戰落三茅峯。是誰借得常偃筆。墨色忽生雲氣濃。逸史。第二。水墨畫柏。款虬枝香逸氣蒼蒼。鳳翥鸞搖月似霜。莫問從來新浦事。錦官城外有祠堂。懶仙人。第三。設色畫竹數莖。枯樹一。上棲乳鴉。款月明三匝。

夜何其。晴日啞啞綠樹枝。更卜尋常爰止處。
丈人屋上莫來遲。公綬。第四。水墨畫遠山
一角。三人泛艇陂上。卧老樹。欸野航載客儘
夷遊。不盡江山不盡秋。得句此時無落景。忘
機何地有閑鷗。渭濱熊兆終歸望。唐室鸞肩
獨相周。隱顯不煩深注意。一天寒月兩悠悠。
雲東癡仙人。書於不礙雲山處。第五。設色
畫芙蓉。欸波涵芙蓉花。亦且映脩竹。嬌紅媚

秋容新紅門深綠詩人汎輕舟盡樂驚鳬鷺
舉目思遠人湘江渺心曲七十三翁戲言
第六淺設色畫石竹款一竿橫石邊萬葉遮
徑裏窸篠即柔枝鳥去蟬鳴起紅塵車馬間
隔斷三十里影搖瑣碎金夜靜月如洗宏治
甲寅三月既望大雲東姚公綬戲作其工拙
不暇計也每段分鈐印采于山美可茹釣于
水鮮可食公綬紫霞碧月翁碧窻雪蕉山館

竹邨草堂圖史寒池蕉雪姚公綬印水竹邨
居香閣閣雲東蘭臺逸史嘉禾甲申進士清
意味公綬印章虛靜山房山澤居水竹邨居
幅前押字二

引首江山之助賜進士蘭臺逸史姚公綬書
鈐印五古秀州嘉禾雲東進士柱史米干山
美可茹釣于水鮮可食

鑒藏寶璽
全 樂壽堂鑑藏寶

收傳印記耿會候鑒定書畫之章



姚綬畫寒林鸛鵒一軸

本幅素綾本。縱三尺六寸一分。橫九寸一分。
淺設色。畫石上枯木棲鸛鵒。旁竹數枝下垂。
自題鸛鵒無言立晚風。孤村竹樹自成叢。不
知鎖向雕籠者。得似寒山野水中。逸史鈴印。
三。滄江虹月。公綬古柱下。史有高士奇朱彞
尊題。

別殿初暎水樹風。歸搖鞭影。艾荷叢。無端吹
熟黃梁飯。苑柳宮槐尚夢中。野港菱灣起柁。

風。往來不離稻花叢。茂林茅屋栖遲慣。忘却
多年直禁中。朱竹垞同年以此贈余生曰昔
與竹垞同直
南書房。每有江湖之思。今共在寒山野水中矣。
因和高士奇詩於左。并索竹垞題句。江村抱瓮
翁。高士奇時康熙癸酉秋九月廿一日書於
柘西之簡靜齋。鈐印二。士奇高澹人。
雲東王絕有唐風。貌得山禽占竹叢。誰分偶
然題句在。兩人心會不言中。書。分余既以雲
東逸史畫贈江村。江村題識。仍索余和。後世
有孟榮計有功見之。當為吾二人紀其事矣。
竹垞朱彝尊鈐印二。朱彝尊印。我生之初。歲
在屠維大荒落。月在極壯望。日癸酉時。

右方

御題行書

鴈鴒何曾畏北風。雕籠常鎖海棠叢。竹窻既有
江湖思。底事頻懷玉禁中。御題即用高士奇
韻。鈐寶二。乾隆宸翰。幾暇臨池。

鑒藏寶璽

八璽全

樂壽堂鑑藏寶

吳偉畫芝仙一軸

〔本幅〕絹本。縱一尺八寸。橫八寸三分。白描畫。修竹立石。仙人手芝。款湖湘小僊作。鈐印一。

吳偉。

御題行書。

水月精神土木形。閒行適讀罷黃庭。紫芝採得何須餌。名注丹臺骨本清。辛巳初夏御題。鈐寶一。乾隆宸翰。

鑒藏寶璽

全璽

樂壽堂鑑藏寶

謹按吳偉字次翁號小仙江夏人。明憲宗時授錦衣衛鎮撫。待詔武英殿。

沈周畫西山雨觀一卷

本幅素綾本。縱七寸九分，橫四尺八寸。潑墨畫山水。鈐印三。沈启南石田接紙自題。怪走浮雲塞此圖，雨聲颯欲出糝糊。老夫正急西山役，泥滑天陰啼鷓鴣。八日雨作，廿五日擇葵老妻兒輩在西山築灰隔，積陰妨事鬱鬱無好眠食。客偶持元暉此卷投余，詩發所觸耳。明日雨止，喜復開卷，心目頓豁，因憶元遺

山詞語云。樹嫌村近。重重掩雲。要山深。故故低語。中似有此畫。恨不能書。以為對題也。卷後有此空方。漫附戲筆。忘乎情勢之外。雖形穢不自覺矣。宏治改元十一月九日。沈周鈴印一。启南接紙。元氣淋漓。篆書嘉靖三年秋七月。既望。吳郡徐霖題。鈴印四。徐霖印。子仁。徐氏子仁快園叟。

引首。西山雨觀。

八分書

鈴印六。徵明。徵仲。玉磬。

山房文徵明印悟言室印衡山

後幅前人題跋

樹暗江春暮雲深山雨中隱候孤興發摹出
米南宮石田翁文詞書畫各有宗法而思致
過之昔立本觀僧繇畫嘗寢食其間余于此
亦然然因賦絕句以歸子寅陳沂題時嘉靖
甲午歲冬十月望後也鈴印二陳氏曾南石
亭居士

雲光混上下山容欲有無掃盡丹青色將何
人畫圖雲山惟米氏為佳石翁此紙妙在淡
中畫家丹青之外惟高人乃得其意俗子豈
能及手至賞鑒家亦然顧璘識鈴印二華玉
私印東橋居士
高人不見沈休文漁子沙頭幾夕曛斷墨殘

細和淚展。碧山千疊鎖愁雲。石丈高情點筆
間。悠然自次白雲間。憑君莫作元暉看。自寫
吳門雨後山。吳門何處墨淋漓。最是山西雨
後奇。一段勝情誰會得。千年厚詰畫中詩。當
年詩律號精誠。老去還憐畫掩名。世論悠悠
貴跡在。白頭慚愧老門生。子寅寄示石田先
生畫卷。感而有賦。嘉靖乙未正月既望。徵明
行印三。文徵明印。徵仲。衡山。
春山蒸雲濕。楊柳春樹嫩。烟沙有無。汀華所
草愁相喚。新渚蕭蕭。泉低自紆。江南雨景真貌
出世傳。曾有元暉筆。石田老人近代豪。少驩
郎郭更超逸。越溪南注白洋灣。哥口波濤番
靄間。西遞震澤雙螺小。北走靈巖萬壑還。江
村橋外吹烟夕。上沙下水涵碧。似開郭屋
啼班鳩。無那東風。只撥燕來。沈吟憶得畫中詩。
灑墨淋漓。滴興發奇。竝驅逐鹿。知誰去。何必數

文待制為石田先生此圖雖云模仿元暉而
意態悠遠當有出於心領之外區區守而未
化者可同日語哉其題句跋語亦清峻可誦
嗚呼老成莫作典型猶存展玩之餘曷勝企
仰乙未歲秋七月吳邵湯珍鈴印二湯珍之
印湯子重氏
鳥聲朝未已江村雨半晴詩翁點筆處陰霞
處處生乙未孟冬二十四日林屋蔡羽題鈴
印一口虛子
南宮家法寫空濛又見東吳白石翁筆意快
心今亦古墨光驚眼淡還濃靜參三昧難成
妙強着十言定不工願借平山堂上語天真
全在有無中黃山徐克鈴印二徐克之印徐
子擴氏
石田作雲山真造二米余嘗見其大姚村圖
幾不能辨烟雲有無頃刻變幻豈易能哉子

知畫者也。余同子寅亦同此趣。或題而歸之。
丙申孟夏文彭鈐印二。文彭之印久壽承氏。
秋陰寒欲結。伏雨晚方纖。仿佛牛頭路。濃淡
出兩尖。時泰鈐印一。或仲文氏。
沈先生用墨不愧古人。當居國朝第一。蓋人
品既高。落筆自然。起速。非積習可到也。此卷
全類小米海岳菴圖。天真爛漫。掃滅畦迕。而
雲烟蔽虧。古意溢目。政元章所謂自然天成
者也。子寅為好米氏書畫。而藏此幅。其必知
所重矣。嘉靖丙申四月廿七日。文嘉敬跋。

樂壽堂鑑藏寶
全

收傳印記
鑑仲文氏子子孫永保其用修

竹館商邱宋榮審定真跡元勳直省長吉鄭
為寬印一御氏嚴氏之印華竹齋居鶴山生
建業嚴氏嚴賓之印平生真賞嚴氏子寅

謹按自跋語乃前幅本有米畫後空紙周從
而撫之並副以詩跋米畫不知何時割去惟
存周詩畫陳沂跋當嘉靖甲午上距宏治元
年戊申四十六年即不言米畫矣顧璘字華
玉吳縣人宏治丙宸進士官南刑部尚書著
息園浮湘憑几山中歸田諸集湯珍字子重
長洲人官唐府奉祀著小隱堂詩草徐元字
子擴江陰人著鐵硯齋集咸時泰字仲交上
元人著蒼潤軒詩集印記中嚴賓字子寅一
字鶴邱金陵人往來顧璘文徵明之門著古

法書名畫頗多。亦能詩畫。見府志。

沈周仿王蒙山水一卷

本幅素綾本。縱一尺七分。橫九尺七寸。設色
畫山水。蒼松紅樹。茅屋數間。飛瀑石梁。二人
坐其上。幪尾水樹懸崖。款長洲沈周製。鈐印
二。啟南白石翁。

御題行書。

心耽北隴峯。惟翠身避東華塵。是紅妙契山樵
采薇意。底論格法異同中。翠荔丹楓畚嶂頭。

誅茅屋屋窗而幽。遂初賦就筆終輟。時復歌橋
策杖遊。戊寅御題。即用其韻。鈐寶三。乾隆清
吟寄遐思。

後幅自題并前人題詩

千年派水寒逾碧。九月疎林霜染紅。閑評消
息資談柄。又是斜陽明碣中。楓葉蕭蕭溪水
頭。水橋流水路偏幽。青猿獵獵微風起。試為
秋清一出遊。沈周。鈐印二。啟南。白石翁。
日落秋光滿。橋邊天。丹楓高俯碧崖巖。恍疑生
對環滁勝。萬壑斜橫擁席前。吳寬。鈐印二。原
博。古太史氏。

鑒藏寶璽

八璽

樂壽堂鑒藏寶古希天子壽八徵

老念之寶

沈周畫山水一卷

本幅宣紙本縱一尺三分橫一丈八尺五寸
潑墨畫石梁飛瀑亭棧村寺行舟策騎諸景
自識余早以繪事為戲中以為累今年六十
眼花手顫把筆不能細運運輒苦思生至大
山長谷喬木片石揮墨淋漓心爽神逸自亦
不覺其勞矣此卷于西山廻途中粘紙且寫
且行風淡波平蕩舟如坐屋底抵家卷遂成

因題其後長洲沈周鈴印四啟南白石翁啓
南秋風清

御題行書

眼花六十翁西山歸棹中契神別有獨佈景乃
無窮曰畫界斯畫不工却絕工麤皴成卷尾率
逸本家風癸卯新正月御題鈴寶三古稀天
子之寶猶日孜孜妙意寓清快

鑒藏寶璽

全璽

樂壽堂鑑藏寶古希天子壽八徵

老念之寶。

收傳印記青瑣侍臣體靜主人集虛齋鑑賞
印李魯生印

沈周寫生一卷

本幅素戕本。二幅俱縱一尺六分。橫四尺六寸。水墨畫。第一。玉蘭。自題。作器種漆人皆嗤。種橘待食歲月遲。前年移栽此玉本。白髮耄鋤知自癡。今年小兒報花發。細雨時打風時吹。春痕冉冉拆芭附。小白畧出囊中錐。晴烘兩日日色暖。蓮腮笑見銘華滋。亭亭淨質帶香韻。秀拔平地何清池。品同君子亦奚愧。

紫艷頻俗慚辛夷。銅瓶欲折畏雪墮。斗酒竊
賞愁梅知。孤高不暇葉侍從。真逸欲搦無徐
熙。宛如羣仙隔雲霧。菡萏露玉冠累累。老夫
將寄縹緲思。倚樹獨自吹參差。哀年看花圖
見在。樹藝祇須年少為。癡期誰料親落眼。亦
信所開天所私。我于七十且活去。爛醉百年
癡更期。玉蘭之栽見分於民學芳園中。自笑
老人種花待開。因不知量。明年遂放十餘朵。

清韻素質雅致人愛久欲寫生此本以寄民
學未果今與民學見無以致謝意因錄賞篇
贈之民學以右方小空補茲兩葩聊復爾耳
宏治壬戌六月二十二日沈周鈐印二啓南
白石翁 第二湖田水乾今少蟬海沙潮枯
蚌蛤多老夫薦酒正湏此對之其奈饒涎何
沈周鈐印三有竹居沈啓南氏白石翁後畫
蟬蚌。

引首寫生三昧

八分書

王穉登鈐印二王穉登

印廣長菴主

後幅前人題跋

王蘭英英清芬可挹郭索翰芒有匡有藝巨
蚌含珠夜光未剖此三物人人能圖之然得
其似而不得其神神且似者當屬石田先生
造化手已亥中秋前二日尊生齋漫書王穉
登鈐印二王穉登印廣長庵主
石田先生繪事我明第一流人也其寫生都
不經意自畫物態此卷尤宜寶玩者歟庚申
九月天室黃姬水書鈐印一漢微君齋

鑒藏寶璽

八璽全

樂壽堂鑑藏寶

收傳印記。鑒定真本。藏。群。琴。心。草。堂。蔣克昌
書畫記。至寶是寶。耘。郊。鑒賞百卷。菴印。汪。耘
郊。收藏印。

沈周畫山水 一軸

本幅素綾本。縱一尺七寸五分。橫一尺。水墨畫山水。自書。獨遊虎丘詩。雨後振孤策。迢迢追往踪。仰題在危壁。想唾落飛淙。山鳥伴後人。當杯啼高松。獨酌不成醉。於邑煩吾悰。成化丙申四月廿九日。約陪石居吳水部為虎丘之遊。獨予弗果。明日攜壺追往。而石居已發舟矣。徘徊泉聲松影間。適有此詩。因吉之。

求畫錄填紙空。吉之石居表弟亦在遊者。誦
余言使知後期之人之落寞也。沈周鈐印一
啟南。

御題行書

勝約愆期客發船。泉聲松影感無邊。久哉山氣
消金寶。紛矣鄧閭盛管絃。乾隆丁丑春御題。
鈐寶二。會心不遠德充符。

徘徊松下獨題詩。客去人來落後期。大似桐廬

已發棹。彥升方至富陽時。戊寅春御筆再題。
鈴寶二。幾暇怡情得佳趣。

鑒藏寶璽

八璽

樂壽堂鑑藏寶

收傳印記。市隱歸來。清勤堂梁氏書畫記。

謹按石居乃吳理。字元玉。成化己丑進士。官
南京工部主事。亦善畫。見吳江志。

呂紀畫鴛鴦一軸

本幅素綾本。縱三尺三寸六分。橫一尺七寸。設色畫落花萍葉。石上雙鴛。款錦衣指揮呂紀畫。鈐印二。呂紀之印。廷振。

鑒藏寶璽

八

樂壽堂鑑藏寶

仇英摹周昉太真上馬圖一卷

〔本幅〕絹本。縱八寸八分。橫四尺四寸六分。設色畫明皇太真上馬。內官宮女圍人十有二。款吳郡實父仇英。八分書。鈐印二十。洲外史。仇英之印。

鑒藏寶璽

八璽全

樂壽堂鑒藏寶

仇英移竹圖 一軸

本幅絹本。縱五尺三分。橫二尺。設色畫書屋。臨池垂釣。三童整書烹茗。左為竹林。昇竹持鋤者四人。款實父仇英製。

御題行書

是雨初晴宜曝書。更教移竹補林疎。長竿選得無枝葉。繫綫把來自釣魚。辛卯仲夏御題。寶一。乾隆宸翰。

鑒藏寶璽

全八璽

樂壽堂鑑藏寶


仇英梅石撫琴圖 一軸

本幅絹本。縱三尺四寸。橫九寸八分。設色畫湖石梅花。下有澗水。樹下敷石凳。一人坐撫琴。一人對坐。奚童三。款實父仇英製。鈴瓢印一。十洲。

鑒藏寶璽

八璽全

樂壽堂鑑藏寶



仇英候仙臺圖 一軸

本幅絹本縱三尺一寸橫一尺三分設色青
綠畫漢武帝候仙臺故事款嘉靖甲寅仲冬
仇英實父製鈐印一仇英

御題行書

雲海擁山崇樓臺懸鏡中松濃聳髻綠楓染駐
顏紅西極來金母東華謁木公伯駒風格在淳
穆出精工已丑春孟中瀚御題鈐寶二幾暇

怡情。乾隆宸翰。

鑒藏寶璽。

八璽全。

樂壽堂鑑藏寶。

謹按三輔黃圖。築通天臺於甘棠。去地百餘丈。雲雨悉在其下。去長安二百里。望見長安城。令人升以候天神。亦曰候仙臺。

文徵明畫姑蘇四景一卷

本幅絹本四幅縱一尺一寸二分橫一尺六寸三分設色畫虎邱石湖天池天平四景幅間標綾分題詩并識

御筆分題行書

突兀平川一阜蟠
豫遊曾記奉

慈顏遙瞻虔祝福如海
近指欣歌

壽似山清遠學仙成獨往
祖龍求劍笑空還却憐選

壁題詩處應有蒙茸綠蘚斑。秀到石湖莫更
加。山翻翠影水涵花。行春橋畔絲垂柳。磨嶼岡
頭葉吐茶。萬頃太湖望波渺。上方淨域步蹊斜。
堵波阿那雲深處。好在蓮龕住薄伽。半巖乳
竇浸山生。漚作天池數畝成。陡峽不期跳浪鯉。
落岨那數聽春鶯。爾時知有良朋挈。此日如陪
勝賞并。佳處祇宜公。四海衡翁何事乃言爭。
范園屏障玉峰堆。花作藩籬逕碧苔。為政設方

萬笏拱如傷，敢忘兆民哀。行時每憶春，方半小雨忽。欣雲盡開赤，子追隨近馬足。展圖情似此重來。庚寅春御題，即用徵明韻。每幅分鈐寶。乾隆宸翰，幾暇臨池，筆端造化，正有同春叢雲典學勤政乾隆。

短簿祠前樹鬱蟠，生公臺下石礪顏。十年精氣池中劍，一壑風烟寺裏山。井列明泉茶可試，草荒支洞鶴空還。不知清遠詩何處，翠壁苔花細雨斑。古虎清陰夾道樹，交加三月江村處處花。野飯初燒燕來第，山僧能供雨前茶。烟霏草色清波遠，煖送鶯聲翠柳斜。白首

不教辜勝賞。新年三度到楞伽。湖石天池日
煖白烟生上巳行。遊春服成試向水邊倚。柳
事。忽聞花底語。流鶯空山靈蹟。千年秘勝友
良辰。四美并一歲。一回遊不厭。故園光景有
誰爭。右天雨過天平翠作堆。淨無塵土石蒼
苔。雲根離立千峯瘦。松籟崩騰萬壑哀。鳥道
遙遙懸木末。龍門險絕自天開。溪山無盡情
無厭。一栽看花一度來。右天吳中山水殊為
秀麗。暇日因所常遊者各為之圖。時一展玩
聊遣少文之興耳。覽者勿謂老人尚多兒態
也。丙辰三月既望徵明識每幅分鈐印傳雲
文徵明印玉蘭堂圖書記衡山傳雲館


鑒藏寶璽

全璽

樂壽堂鑑藏寶五福五代堂古稀

天子寶八徵耄念之寶

收傳印記烟條館印山高水長何元朗氏



文徵明石城草堂圖一卷

本幅素牋本。縱七寸六分，橫三尺三寸九分。淺設色，畫遠山重叠，近堞間出，背郭草堂一人展卷。一童子侍，款嘉靖甲辰春，徵明寫石城草堂圖。昔年七十有五，鈐印三。徵明悟言室印。

引首石城草堂，篆鈐印三。許初、許元復氏後幅，徵明自題。

元度平生有膝懷石頭城下草堂開一憲秀
色今鍾阜千載文明仰鳳臺白下潮生滄海
近淮南月過女牆來高才正繁蒼生望滿目
江山未許回長洲文徵明鈐印二文徵明印

鑒藏寶璽

全八璽

樂壽堂鑑藏寶

謹按許初字元復長洲人書法師二王尤工
篆籀嘉靖中為南京太僕寺主簿徵明詩中
元度平生有膝懷元度為晉許詢字蓋指初
也草堂即初所居

文徵明洛原草堂圖一卷

本幅絹本。縱九寸。橫二尺九寸五分。淺設色。畫山坡林屋水閣平橋。寫意人物。其中面溪為草堂。款嘉靖己丑七月四日。徵明寫洛原草堂圖。鈐印三。文徵明印。停雲。徵明。

後幅前人詩文。并白悅尺牘。張照考證。

洛原記。白氏自洛陽徙晉陵。數百年于茲矣。世以官學相承。特進康敏公。與其子中丞始大顯于時。而族屬亦益行大。聚指不下千數。江以南莫不知有晉陵白氏也。而凡白氏

之族亦莫不知以晉陵為土著。而吾貞夫願以洛原自命。其言曰。洛陽天下之中。其山為少。其川伊洛。昔人所稱。而吾先世之所從徙也。吾不敢忘焉。嗚呼。余于是有以知貞夫之為。能得禮樂之本也。禮曰。樂樂其所自生。禮不忘其本。是故太公封於營邱。比及五世。皆反葬于周。夫反葬不忘本也。止于五世者。親盡也。白氏之去洛。非特五世而已。其山川之秀。土地人物之美。貞夫蓋不能舉也。乃晉陵則所習焉。生息于斯。官學于斯。親戚墳墓於斯。至于衣服食飲語言習尚。有不類于斯者。蓋鮮也。棄其所習。而從事于不可舉而知之之境。夫豈其情哉。亦求所以行乎禮而已。禮之所寓。志無不達。心誠適焉。其無違類已。吾見山之峙于前者。皆少室嵩高也。川之匯于左右者。皆伊與洛之流也。窪而渠瀆。陸而邱

島。以若草木禽魚。凡吾所得而狎者。無不可
以洛名也。雖然。豈必洛哉。人苟有以自立。則
一言二事。皆足以名世。而所謂地與物。皆將
假吾而重于世也。藝文忠之居義興也。寔自
蜀徙。故今義興有蜀山。夫以義興之山之衆。
歷數十百年之久。而蜀山獨傳。然則其所以
取重。獨地為我。貞夫蓋知所務矣。貞夫名悅。
康敏。公之孫。中丞公之子。績學厲行。足世其
家。云嘉靖八年歲在己丑六月既望。衡山文
徵明書。鈴印三。傳雲。文徵明印。徵明。
洛原之什。瞻彼洛矣。有嵩有邱。維我孕靈。
大。宗以昌。我祖維東。嗣續載更。叶韋懷爾祖。
展也。不忘。瞻彼洛矣。有洛有河。有國有書。錫
瑞孔嘉。叶白也。宗之。肇啟厥家。叶韋念爾始。
伊。通。匪。遇。叶爰導洛止。東注于揚。通。亂于江。
通。匯。朱。方。彼流湯湯。彼匯洋洋。沛爾澤矣。允

洽彼四荒山則有木展維根矣川則有水展
維源矣維根孔堅維源孔淵載行厥慶叶載
發厥祥行慶維何太保顯顯發祥維何中丞
蹇蹇顯顯厥庸蹇蹇厥忠令聞不窮彼洛斯
東翩彼飛皇集于上林有來自洛載好其音
歲歲其語燦燦其羽彼皇斯積翊我明兮誕
維卜洛錫允維永以承以續愛祉亦孔瞻彼
思焉彼嵩降中有開厥先載纘厥昆瞻彼
洛矣七章章八句傳曰瞻彼洛矣述孝思也
白氏既東適子孫不忘洛焉築洛原之堂西
京許宗魯為之賦洛原之什鈐印三青門東
侯父之印少華山中人
霄漢連華屋烟霞秘麗園年侵喬木合地僻
雜花繁世業傳經遠朝思題劍存井桃頻結
子。往竹偏生孫水即通洛浦山疑接楚原候
童常擁簞過客屢傳軒雲華水漿薄風亭鼓

吹喧。盡魚凝散帙。浮蟻泛行樽。白雪慙高調。
青雲仰令昆。因懷招隱處。桂樹幾翩翩。西陂
劉儲秀。八分鈴印。一士奇。
仙郎今住。採菱港。魂夢頻依。浴水原。少室風
烟。芳草合。中州文獻。故家存。輔軒遠道。神猶
壯。桑梓瞻雲。故思繁。緱嶺若逢王。子晉好隨
笙鶴上。崑崙崑崙。嵩渚李。瀟鈴印一。耕牧河山之
陽。
龍門何率。控脈自高華。洛原開周京。王氣
如火射。于今幾千載。何物敢方駕。靈勝產英
傑。通互應王霸。爾祖宋鉅公。從徒晉陵下。雖
涉金與元。藏玉未輕價。洎我皇明來。康敏始
宏化。崇舊累三朝。不勛著方夏。肆及中丞公。
風節那可借。厥嗣有貞夫。繩武歆將跨。承命
八閩中。三秦士爭逐。周旋開微言。遂令予親
乍。嗟嗟康濟才。如彼珠照夜。有目應自知。何

物能相藉。因賦洛原篇。令世咀其蔗。游西山
人康海。鈴印一德涵。

仙揖已。浮南渡水。故家猶問北印山。迨迨歲

月遷移後。隱隱鄉閭夢寐間。世派不同金谷

盡雲。仍今見玉麟。運芳隣近接程門。迥數仞

宮牆尚可攀。郭杜王九思。鈴印一王敬夫氏。

洛原記。白子貞夫。先世居洛。稱右族。宋季

徙于毘陵。而家焉。而不知其年也。而今毘陵

之白氏。秩秩然盛矣。貞夫乃自名洛原。夫洛

龜治。鶉墟靈迹未湮。伊闕。鄆。雄圖猶麗。貞

夫其亦寓情幽奇。游神昭臚。沕沕然通古之

風也哉。君子曰。未也。夫木之有本。水之有源。

人之有祖。其極一也。廟設不祧之主。家系常

繼之福。祖德備矣。是故觀桑梓者。敬心生。過

枌榆者。哀心生。孝子仁人。木本水源之思。頑

乎其至而已。楚人居晉。音則標楚。越人居楚。

吟則為越人皆然也。飛鳥巢林。必擇南枝。逸
馬伏櫪。恒衣北風。夫物亦然。台氏之宗。肇自
于洛。則垂裕之休。貽謀之光。固猶有存者。其
在毗陵。太保中丞。敬德懋勳。嗣庸于時。迄于
貞夫。植學崇志。克繩厥武。將非洛之宗。以豐
之乎。是故貞夫昭遯。原隱。通理而篤始。以示
不忘馬禮。不忘本。古之道也。貞夫亦猶行古
之道也。嘉靖十三年甲午六月朔。總制陝西
三邊軍務兵部尚書兼都察院右都御史蘭
溪涵石唐龍書于原州軍和鈴印二。金華唐
虞佐氏司馬鳥丞。
卜築從江左。貽謀自洛陽。青山迴萬壑。喬木
擁千章。世代恒如昨。源流邈未忘。孝思真美
爾。寤夢到嵩邱。早識江東彦。時聞海內名。揮
毫多麗藻。接踵舊冠纓。勲業推前輩。休禎啟
後生。毗陵百代遠。有賴振家聲。相門能繼武。

仙里屬鳴珂。派迥光逾倍。芳筵耿未磨。晉陵
聞綠野。吳水見黃河。伊洛思前哲。衣冠萬世
科。林苑曾傳勝。江鄉久擅雄。草堂修竹裏。金
谷亂山中。袍笏床能滿。圖書棟已充。青霄看
鳳翥。萬里會高風。龍石許成名。
往日延陵郡。曾聞白傅園。林間三徑僻。水上
百花繁。北闕思彌渥。東山意獨存。風流懷二
老。文雅見諸孫。門閤今吳色。衣冠舊洛原。傳
經期取相。懷古寓名軒。高卧方求志。幽棲已
避喧。烟霞常閉戶。賓客屢開尊。世業看前代。
賢聲在後昆。青雲殊不遠。努力早飛翻。誰郡
薛蕙。
洛原草堂記。洛原白氏貞夫草堂也。吳取
夫洛白之先。洛產也。遷于毘陵。里于三渴。築
于莽港。自宋迄今。世逾數十。康敏公昌以大
之中丞公善以繼之。自他有耀明德遠矣。而

洛之懷弗忘也。故以名堂。謂之白志。楊子曰。白氏亦猶行古之道也。國於郡邑。有與立焉。是故楚都所至。命曰郢。晉都所至。命曰絳。家於郡邑。有與立焉。故虞封越江。猶曰北虞。鄭氏南徙。猶曰南鄭也。夫白氏亦猶行古之道也。貞夫曰。吾先子之所命也。訓我後人。勿忘其先也。先子之所不敢忘。吾亦不敢忘也。楊子曰。訓不違先孝也。稱必稽祖。仁也。仁且孝。可進於道矣。榮河溫洛。義圖如書。道則此其原也。文則此其淵也。道以經往。文以緯來。經往德之林也。緯來業之基也。仁孝以躬之德。業以充之。遠耀以融之。不怠以終之。其庶幾乎。詩曰。毋念爾祖。幸修厥德。是子先人之覆露子也。自求多福。在子而已。貞夫變躬遷席曰。是先子之蓋也。微夫子發之。吾不知則戒之昭昭也。其旨故以忘敬籍之楹矣。成都楊

慎記。此稿寄秀卿。煩轉致之白貞夫。貞夫
舊曰。求予此文。介秀卿而來也。

洛原。舜文故居。夷。周公乃營洛。道舍迹匪
殊。神理誰能度。豈曰天地中。清淑會磅礴。龜
疇啓人文。定鼎隆制作。治亂固相尋。佳氣未
蕭索。傷哉南渡後。回首風塵惡。衣冠竄江徼。
聖代始拜爵。晉陵白氏宗。開闢今赫若。荷與
康敏公。事業尚軒霍。濟美復中丞。諸孫仍秀
發。水木遡本源。洛裔慶流渙。貞夫白宗彥。遠
意寄寒漠。結廬在吳境。名洛真有託。邇來眼
王事。往往經疆略。勝槩昔山川。雄圖改城郭。
訪古一凄然。遐思慰冥寞。依然復南隸。足顧
風景名。山水自江左。輪奐麗亭閣。上無擬嵩
少。渥澗似。營。絡。逸興即遠遊。名實豈各錯。小
雅思周道。桃源避秦虐。禮貴不忘初。反始斯
為樂。萬里咫尺同。百世間如昨。滯物界藩籬。

達觀破垠塢浩蕩八無方天壤任行樂林慮
馬卿鉉印三隆廬山敬臣柳泉
洛原賦將與子子瞻彼洛洛之水滴瀝而
清漢披宿海而貫龍瀕暉漢官而帶唐郭馳
走周韓之郊鵠張大岳之脚逆鴻濛之奎城
懷麓苑其猶昨諒帝殷歷秘譔期使天章式
廓敷賁燦若羣英太乙之光灼延聖圖以
宣文駕崑崙而磅礴命巨靈之屬嶽贊神禹
之疏鑿驅蛟螭若蜺蜃鞭鱗鬣與鯨鯢川原
巧其砥平洪流匯于巨壑安妃錫茲寧慮文
命受而齊淪始散流於寰宇煥三光之煜燭
揆崦嵫之風景窮囀陽之所落紛迷離其邁
穉胥於是乎來度休祥豔然下澤伊獻哲之
故作鑑韶鈞以和鳴相天機之序削秋與雲
兮俱飛春懷葩而吐萼鴻名掩於嵩卬慶利
洛而同博通道河以沂江荷蕢延其所托舍

珍奚啻異地。金斗兆夫祥鵠。或司契以執衡。
或乘秋而作鶚。既高駕于雲衢。又宗祊之問。
擴顧之子之挺篤。軒鷄羣之奔。顧懷桑梓子。
阻修懼遠。貽乎補祐。思齊魯之室。同與伊摯。
之返宅錫嘉名于豫邦。援姬相之經略。併箕
疇之重陳。將追蹤乎遺篇。乘輶輅以西征。更
秉節而鳴鐸。慚朽廢之餘枿。預觀魚之同樂。
脚傾寫于中懷。豈斯文之鏤鏤。亂曰。與子遊
于洛之南。南有三峰。熊耳山。遙瞻淮漢流。潏
潏與子遊于洛之陽。崧少崢嶸。接太行。龍門
九曲。道路長。與子遊于洛之西。華岷延端。接
朱提。層峰峻嶺。與天齊。與子遊兮洛之野。門
車馬金洛下。累累冢墓何為者。却之原子
洛之水。青桐蒼蔚。分白石齒齒。沃野良田。衆
所美。龜龍固。有遺址。吾與子子從此始。平
涼趙時存景仁著

眷弟白悅頰首啓九州姊丈先生大人門下
恭喜令郎完姻。為闕馳賀。願承厚幣。盛儀遠
及。愧鄙人曷足以當之。感激激使歸甚迫。
草草裁謝。別客具謝。劍泉丈所諭小女婚姻。
弟何所辭。但令妹以為劍泉年長而子或更
多。恐他時又增一贅。之千係愛。應是以遲疑。
未決。實無他。不肯也。左玉田來。已承劍泉書。
儀。尚未裁答。并乞叱名。且從容更為之所耳。
執事幸勿獨罪區區也。遠歸倦甚。草草上復。
別容。差人走報。以謝。十二月廿六日。三鼓燈。
下。悅弟頰首。鈐印二。白。貞夫氏。萬山外史。
文待詔為白貞夫作洛原草堂圖并為之記。
而手書於圖之左方。一時名流詠歌其事。文
字之美。足傳千載。夫史稱文待詔主風雅。四
十餘年。四方乞詩文書畫者。接踵于道。外國
使者。道吳門。望里肅拜。以不獲見為恨。人謂

徵明四絕。不減趙孟頫。其筆墨徧天下。門下
士多。膺作亦弗禁也。此卷秀逸淳古。為真定
梁相公鑒定。惟文待詔名。雖兒童走卒莫不
耳熟。餘卷中人。即學者。恐自楊升菴原對山
而外。或未能觀名。而即知也。故名書其平生
事畧於左。文待詔記內白。康熙名昂。天順
丁丑進士。刑部尚書。太子太傅。贈太保。生平
氣溫色愉。出言惟恐傷人。嘗曰。秋霜之肅。何
如春風之和。子斯成化甲辰進士。以右副都
御史總督漕儲。即卷中所指中丞公也。孫悅
字貞夫。嘉靖壬辰進士。尚寶司卿。許宗魯
字伯誠。陝西咸寧人。正德丁丑進士。遼東巡
撫。收三衛門市。時人重之。劉儲秀。陝西咸
寧人。正德甲戌進士。兵部尚書。李瀛。正德
八年。河南解元。次年登第。少負俊才。好遊俠。
博戲射雉。解馳河洛間。官山西僉事。罷歸。年


尚三十八。讀書四十餘年。著述甚富。原海
字德涵。武功人。宏治十年狀元。號對山。李夢
陽謂對山救我者也。事在史館。不具書。王
九思字敬夫。鄆人。宏治九年進士。由檢討調
吏部。至郎中。與康海同。以劉瑾廢。每相聚。洪
東郭杜開。扶聲伎酣飲。造歌曲。自比俳優。寄
其湮鬱。與李東陽何景明徐禎卿趙孟頫唐龍
王廷相號七才子。一時爭效其詩體。唐龍
字虞佐。蘭谿人。正德三年進士。筮仕郟城。知
縣。歷官三邊總制。所在有聲。俺答吉囊畏之。
人為刑部尚書。平反著績。以吏部尚書致仕。
許成名字思仁。所城人。正德辛未傳臚。在
翰林。詞賦重一時。有禁中春晚詩。都下絳貴
前後為講官十年。與修明會典。終禮部左侍
郎。薛忠字君采。亳州人。年十二能詩。正德
九年進士。授刑部主事。諫南巡。廷杖。嘉靖三

年。疏諫大禮。斥張璁桂萼之非。繫錦衣獄。罷歸。尋以薦召。不起。憲親清癯。持已峻潔。博學力行。士林重之。稱西原先生。楊慎字用修。新都人。大學士廷和子。正德六年狀元。明代讀書之博著述之富。三百年內無雙。馬。字敬臣。宏治末進士。官鶴慶知府。平鳳。胡文之亂。歷右副都御史。總督漕儲。趙時春。字景仁。平涼人。年十四舉于鄉。嘉靖五年會元。以翰林改戶曹。數諫事。黜為民。時春少好兵法。朝右以知兵薦起。為右僉都御史。巡撫山西。無劾。尋免。所為文豪肆興。唐順之。王慎中。齊名。詩位。梁自喜。類其為人。雍正十三年四月。既望。為藥花下書。張熙。鈐印三花。徐月照。瀛海山班。

鑑藏寶壘全

樂壽堂鑑藏寶

收傳印記虎原白從文氏家藏蕉林書屋蒼
巖子蕉林鑒定梁清標印秋碧蒼巖河北崇
村衣園藏真衣園居士衣園衣園審定竹溪
居士竹溪竹溪祕玩竹溪逸史衣園滋大
宗萬衣園珎藏滋大雲仲雙清鑑賞珎藏留
雲山館雙清閣學堂日無事教忠堂教忠堂
藏子孫寶之雙清閣書畫章



文徵明林榭煎茶圖 一卷

本幅素箋本。縱八寸一分，橫三尺五寸八分。
淺設色畫溪山林屋，一人凭窓煮茗，有客策
杖過橋款徵明為祿之作。鈐印三。文徵明印。
悟言室印。衡山。

後幅文徵明詩札

同江陰李令君登君山二首。浮遠堂前爛熳
遊，使君飛蓋作遨頭。烟消碧落天無際，波湧
黃金日正流。禽鳥不知賓客樂，江湖空有廟
廊憂。白鷗飛去青山暮，我欲披策踏釣舟。雲

鑒藏寶璽

全璽

樂壽堂鑑藏寶

白江清水映霞。夕陽欄檻見天涯。雲帆西面
浮空下。雙島東來抱閣斜。萬頃胸中雲夢澤。
一痕掌上海安沙。扁舟便假尋真去。春淺桃
源未有花。承示和二島之作。感荷拙言不敢
自隱。輒往一笑。微明頷首。上祿之選部侍史。
小扇拙圖引意。四月十三日。

謹按祿之為王穀祥字。閱官吏部員外郎。
故稱選部侍史。

文徵明千巖競秀圖 一軸

本幅宣德箋本。縱四尺一寸。橫一尺五分。淺設色。畫重巒飛瀑。二人對坐樹下。一童携琴旁侍。自識。比嘗冬夜不寐。戲寫千巖競秀圖。僅成一樹。自此屢作屢輟。自戊申抵今庚戌始成。蓋三易歲朔矣。昔王荊公選唐詩。謂費日力於此。良可惜也。若余此事。豈特可惜而已。三月十日徵明記。昔年八十又一。鈐印一。

徵明

御題行書

二老喬柯下。高談暢遠眸。蔚巖秀相競。落瀑響如浮。作輟經三歲。精神入九秋。似茲費日力。亦自足風流。丁亥秋月。御題鈴寶二。得佳趣。幾暇怡情。

鑒藏寶璽

全

璽

樂壽堂鑑藏寶

文徵明松陰曳杖圖 一軸

本幅宣德箋本縱三尺三寸五分橫八寸水
墨畫山泉林屋沿溪長松數株二人行前者
倚杖款嘉靖甲辰四月既望徵明製鈐印一
文徵明印

御題行書

陶令歸來後盤桓撫孤松惟應王太守籬下一
相逢 丙寅春日御題鈐寶二乾隆宸翰幾暇

臨池。

玉池

御筆 停雲逸趣 鈐寶一。乾隆宸翰。

鑒藏寶璽

全八重

樂壽堂鑒藏寶

文徵明臨趙孟頫空巖琴思圖一軸

本幅絹本。縱四尺六寸。橫一尺七寸二分。設
色畫松株懸瀑。下有人臨溪撫琴。款臨松雪
道人空巖琴思圖。嘉靖丙午歲六月望。長洲
文徵明。鈐印二。文徵明印。衡山有王孟仁題
識。

御題行書。

空巖琴思。彼何人。古弁寬衣。綽有神。面峙高山。

偏契趣。目澄流水自無塵。得情詎止徒得兒。孟
頌傳來識孟仁。假借衡翁畫多矣。此圖特謂是
其真。癸巳清和上澣御題。鈐寶二。乾隆。

此趙魏公舊本。絹素剝落。遂與衡山太史商
之。衡翁曰。試買鵞溪。為子臨摹。或得其形似。
余曰。不敢請耳。固所願也。於是滌研濡毫。焚
香者茗。為作雲山供養。信手揮灑。便成佳構。
較之原本。精采有加焉。他日與魏公并傳不
朽。非僅謂阿私所好。璫璵圭璧。有不共知。導
貴者乎。金陵後學王孟仁題。鈐印二。王孟仁
印。元甫。

鑒藏寶璽

八璽

樂壽堂鑒藏寶古希天子壽八徵

毫念之寶。

收傳印記古香樓珍藏

文徵明仿李成谿山深雪圖 一軸

本幅素箋本。縱二尺九寸七分。橫九寸二分。
淺設色畫山泉林屋雪岸艤舟。款正德十年
仿李營邱谿山深雪圖。鈐印二。徵明有周士

題名。八分書。

御題行書。

山陰舟艤凍溪邊。尚有泠泠瀑水懸。此日料應
王逸少。倚窓傳筆望江天。 乾隆御題。鈐寶三。

乾隆三希堂

萬曆辛卯孟夏吳興周士同幼海觀於白雪齋鈐印三周士印王湖漁父周仲吉氏

王池

御筆 刻溪清興 鈐寶一 乾隆御筆

鑒藏寶璽

八璽

樂壽堂鑒藏寶重華宮鑒藏寶樂

暇鑒賞之璽乾隆御賞之寶含經味道內府圖書

收傳印記竹口蘿軒審定緼真閣鍊雪張晴

嵐收藏印。晴嵐珍藏。鍊雪鑒定。

文徵明畫雪景 一軸

本幅宣紙本。縱三尺四寸，橫九寸二分。淺設色。畫層巖積雪，林屋參差，下水閣傍溪橋上。一人風帽騎驢，一童隨之。自題：寒鎖千林雪未消，何人跨蹇過溪橋。莫嫌緩轡詩難就，玉樹瓊枝應接勞。徵明鈐印二。徵仲父印。悟言室印。

御題行書

見睨應知消未得。吹風却訝積猶高。漫言幻景
饒真賞。對幻思真望。每勞。庚辰仲冬御題。鈐
寶二。乾隆。

鑒藏寶璽

全璽

樂壽堂鑑藏寶

收傳印記
落花幽徑

陳淳畫花卉 一冊

本幅宣德箋本。十幅。縱七寸二分。橫八寸。水墨畫一杏。二桃花。燕子。三海棠。四榴花。五百合。六百日紅。七葵。八芙蓉。九菊。十山柰。分鈴兩印。白陽山人復父氏對幅金粟箋本。

御筆分題行書

半是含苞半是開。風流盡得別神裁。不因嫩葉枝頭出。乍欲圖中認墨梅。幾朵紅芳柳間之。

絳綃織就。絳金絲。倩誰巧手試裁剪。紫燕飛來
欲過遲。玉扁金闌叩蓬萊。尚憶人間小字來。
便是無香信。何礙癡哉。聞說恨淵材。風來迎
面是南薰。訝看枝頭爛火雲。作者不朱金用墨。
移情鮮。今見疑麝。攢根瓣。瓣芋同魁。挺幹擎
花一色開。設使有香異凡品。祇宜分付陸游裁。
久榮遲。謝莫須奇。惆悵紅過百日時。塗污紫
薇應不少。名同物異更誰知。傾葉向陽比忠

赤。又云不令照其根。審然則屬有隱蔽。豈是無
欺應所存。木蓮花似水蓮色。一例出塵微露
材。應為秋江嫌寂寞。却教倒映幾枝開。一枝
風露態離披。尤覺傳神淡寫宜。比擬不須遠索
古淵明。醉矣欲眠時。斟酌穠纖墨染中。便如
葉綠與花紅。山人自是擅神韻。那在區區肖似
工。庾寅仲春御題。每幅分鈐寶。天地為師。寓
意于物。即事多所欣。陶冶賴詩篇。筆花春雨心。

清聞妙香游六藝圖上有同春用筆在心落紙
雲烟研露筆端造化搗藻為春乾隆

前副葉

陳淳自題漫興鈴印一復父氏

後副葉陳淳自識

古人寫生自馬遠徐然而下皆用精緻設色
紅白青綠必求肖似物物之形無纖毫遺者
蓋真得其法矣余少年亦有心於此既而想
造化生物萬有不同而同類者又稟賦不齊
而形體亦異若徒以老嫗精力從古人之意
以貌似之鮮不自造類狗之謂矣故數年未
所作皆游戲水墨不復以設色為事間有作
者從人強非余意也觀者自律之古人而棄

其潦倒則塗抹之罪當自恕在未戒何幸何
幸荷復志鈴印二復父氏白陽山人

鑒藏寶璽

八

樂壽堂鑑藏寶

叔傳印記休寧朱之赤珍藏圖書卧卷所藏

柳加俞印廷颺廷颺氏鑒藏

錢穀采芝圖 一軸

本幅素箋本。縱三尺三寸七分。橫一尺二寸。設色畫喬松四株。雜樹二。仙人持杖立松下。童子展卷相示。旁芝藍卷束置地。有鹿自松間出。款甲戌夏日寫。錢穀鈴印二。錢叔寶氏。縣穀室。

鑒藏寶璽

全

樂壽堂鑒藏寶

文伯仁秋巖飛瀑圖 一軸

不幅素箋本。縱四尺一寸。橫一尺七分。設色
畫溪榭茅亭。蒼巖紅樹。寺前飛瀑直下。無名
款。鈐印一。五峰伯仁。

御題行書

瀑奏琴瑟聲。巖張錦繡色。錦繡較猶俗。琴瑟擬
豈得。高人世表志。聲色詎能域造物。無盡藏耳
目之所食。乙亥春題御筆。鈐寶二。幾暇怡情。

得佳趣。

鑒藏寶璽

八璽全

樂壽堂鑒藏寶。

收傳印記錢氏家藏子子孫孫永寶用景
印不可又半印不可辨。

文伯仁畫天池石壁 一軸

本幅宣德箋本縱二尺八寸橫九寸七分設

色畫本景款天池石壁

篆書

嘉靖戊午仲夏既

望五峰文伯仁寫鈴印二冰香室文惠承印

御題行書

疊樹層巒凡幾重梵王宮在翠微濃潤含石壁
常疑雨雲羃天池欲起龍目觀靜參千尺練耳
根遙澈六時鐘更誰愛把任公釣不許區區渭

上達。御題鈴寶二比德朗潤。

鑒藏寶璽

全璽

樂壽堂鑒藏寶。

謹按是蹟見高士奇江村銷夏錄。謂筆法渾厚。樹石古勁。即太史猶當少遜者也。

居節品茶圖 一軸

本幅素牋本。縱三尺三寸五分。橫九寸。白描畫倚山草堂。二人對坐品茶。堂外列樹環繞。有一人過橋來。旁屋設茶具。一童執炊。書丈徵明茶具十詠。後見并跋。嘉靖十三年。歲在甲午。穀雨前二日。天池虎邱茶事最盛。與好事者為筒汲泉。以火烹啜之。品題茶之高下。時衡山先生追次皮陸製茶具十詠。隨繪圖成。

一時佳話命予和韻竊愧不文臨摹一過已
覺不自量又何敢漫和為貂尾之續仍寫衡
山先生原唱十首于上以誌其事居節識鈴
印二居節商谷

巖隈共雲樹高下鬱成塢雷散一聲寒春生
昨夜雨棧石分瀑泉梯雲探烟縷人語隔林
開行行入深逕癖自家青山裏不出青山
中生涯草木靈歲事煙雨功荷鋤入蒼露倚
樹占春風相逢還調笑歸路還相同休東
風臨紫苔一夜一寸長煙華定肥玉雲裝凝
嫩香朝采不盈掬暮歸難傾筐重之黃金如
輸貢堪頭網羅山匠運巧心縷釣我雅器

絲含故粉香。弱帶新筠翠。攜茅羅雨。深歸染
松風。臙阿春風。連水竹。一徑野花深。四隣茶
因巖。聞林豹啼。朝看山。虞逐粗足。辨公私道。
熱夜。聞林豹啼。朝看山。虞逐粗足。辨公私道。
遙老空谷。斜火。處處蒼松。靜候不知。瘧夕陽山。
泥侵白石。朱火。然蒼松。靜候不知。瘧夕陽山。
影重。燕英。凝面。落香。氣。襲人。濃。昔聞鑿
山骨。今見。編楚竹。微簾。火。意。溫。家。復。雲。牙。餽
體既靜。而覓。用。亦和。而。煥。朝。夕。春。風。中。清。香
浮紙屋。蟬。斷。石。肖。古。製。中。容。外。堅。白。煮。月
松風。間。幽。香。破。蒼。壁。龍。巖。縮。泰。勢。蟹。眼。浮。雲
液。不。使。彌。明。朔。自。適。王。濛。厄。新。疇。能。鍊。精
珉。範。月。奔。素。魄。清。宜。鬻。雪。人。雅。悵。吟。風。客。穀
雨。閣。時。珍。乳。花。凝。處。白。林。下。晚。未。收。吾。方。遶
來。侵。曉。浮。園。影。破。睡。策。功。多。因。人。寄。情。永
新。泉。流。囀。浮。園。影。破。睡。策。功。多。因。人。寄。情。永

仙游恍在苑悠然入靈境卷

玉池

御題行書

雲歸天池峯春暖虎邱塢茶事盛東南良時逮
穀雨林扉寂疑闌巖逕細如縷白花似薔薇引
人入幽迂茶雖云六經捨却見爾雅中取棄
固有時造化寧無功季疵開其端三吳傳斯風
珍重圖裏人盧陸可能同茶崖洞非行鞭簇

簇抽設長吐。麤玉為朶。佈氣蘭想。香憶在龍井。

上親見傾筠筐。汲泉便煮之。底藉呈貢綱。

茶第

巖阿蟲蒼筤。栽作貯器烟粒含。宿潤曉窮帶
生翠。傾則未覺盈。攜之猶憐膩。高詠夷中詩。伊
人豈無淚。

茶第

覆屋幾株松。迎門數竿竹。試問

是何境。九龍徑路熟。豫遊春朝憶。光陰流水逐。

偶展居節畫。興飛惠山谷。

茶第

置處傳無突。抱

來喜有峯。傍根堆碎石。炊煙燃枯松。辛苦那覺

疲功夫不惜重。安得逢髻神。美女裝艷濃。

茶

二尺鑿碧巖。一方編綠竹。慢煨瓊液乾。不礙靈

髓。馥去濕。弗欲燥。戒烈惟取煥。花脯與杉林。可

試雲漿渥。

茶

聽松傳樸製。竹鼎圻灰白。肖之

不一足。置傍幽齋壁。高僧緬逸韻。雅人試仙液。

頗復有傖父。謂之遭水厄。

茶

色擬雲一片。形

似月滿魄。問斯造者誰。越人與邢客。落底葉辨

綠。浮上花乳白。何用謝堰垵。直可罷履屐。

茶

皮陸首倡和清詞寄真靜文翁繼其韻契神非
認影居節祇為圖識高興亦永拈毫慶十章如
置身其境煮茶壬辰新春上元後一日用文徵
明茶具十詠韻題畫御筆鈐寶三乾隆卅有同
春

鑒藏寶璽

八寶金

樂壽堂鑒藏寶

收傳印記王蘭堂圖書記

陸治寫生 一冊

本幅宣德箋本十幅縱四寸八分橫九寸二分設色畫第一紫薇第二櫻笋豆莢第三榴實第四魚藻第五荷花第六玉簪石第七木芙蓉第八落花紫燕第九靈芝竹石第十水仙末幅款嘉靖壬寅冬日寫包山陸治每幅鈐印一包山陸治

鑒藏寶璽

樂壽堂鑒藏寶

1875

1876

1877

1878

1879

1880

1881

1882

陸治上元醮集圖一卷

本幅素箋本縱八寸五分橫三尺一寸三分
設色畫園林燈景會者五人自外來二人二
童子捧盤匝自題青雲誰不屬通家燈影星
光燦九華今夜斗文因奏聚詞人搗藻筆生
花馬踏銀花動紫埃高軒停處綠樽開清蟾
光吐星橋艷不夜城中醉裏回上元日陪涵
峯諸君讌集衡翁太史宅各有名筆見遺不

佞治叨居末席不能自禁巴人之語敬和原
韻二絕元洲學士先生命圖其勝於羣王之
首并錄全作請政自愧形穢不倫耳教之幸
甚嘉靖丁未陸治識鈐印三叔平包山子

御題行書

雅會元宵太史家論文酌酒慶年華紙燈也足
艷時令火樹寧須綴萬花東華不逐軟紅埃
古屋同人節讌開飲到夜深還散去却教明月

送賓回 甲午上元前一日御題鈴寶二乾隆

鑒藏寶璽

八璽

樂壽堂鑒藏寶

謹按涵峯為王守號守字履約吳縣人嘉靖
間進士歷官右副都御史元洲為張瀚號滿
字子文仁和人嘉靖間進士官至吏部尚書
謚恭懿據自識後尚有諸人燕集詩今失之

1
2
3
4
5

!

1

1

1

陸治飛閣憑江圖 一軸

本幅素牋本。縱三尺九寸二分。橫一尺四寸。
淺設色。畫層崖帶閣。二人凭眺江景。下溪橋。
二人行。自題。凭仁巖。崑芙蓉起。飛閣攢空玉。
竦斜。席上山河虛萬里。掌中指點十洲花。隆。
慶戊辰八月三日。包山陸治畫并題。鈐印三。
陸叔平氏。陸治之印。包山子。

御題行書

虛閣棲巖入雲聳。危橋跨澗得溪斜。高人憑檻
契真悟。一切浮名付浪花。庚辰秋日御題即
用其韻。鈴寶三。乾隆幾暇臨池。

鑒藏寶璽

八璽

樂壽堂鑒藏寶。古希天子壽。八徵

耄念之寶。

陸治竹喜圖 一軸

本幅素綾本縱四尺一寸六分橫二尺設色
畫竹數本喜鵲十石旁長春花款包山陸治
鈐印一陸治

御題行書

竹報平安鵲報喜是誰所圖乃陸氏引而未發
無一辭似待我歌抉其理綠筠不識復不知平
安如是而已耳鵲數有十噪相爭畫家義蓋別

有指跳蕭勵翼目如椒攫啄互施爪與背若云
喜實怒之對呼吸一伏必一起爭而知已猶可
言爭而不已難言矣世間欲求喜者多盡從包
山悟斯旨
庚寅新春御題鈴寶一
乾隆宸翰

鑒藏寶璽

金八璽

樂壽堂鑒藏寶

徐渭畫榴實一軸

本幅素牋本縱二尺九寸橫八寸九分水墨
畫折枝榴實自題山深熟石榴向日笑開口
深山少人收顆顆明珠走文長鈴印三徐渭
印文長絳管齋

鑒藏寶璽

八璽

樂壽堂鑒藏寶

23

18

1

2

1

孫克宏畫花鳥一卷

本幅素箋本。縱九寸三分。橫二丈三尺六寸。
設色雜畫花卉十二。翎毛七。蔬果七。昆介八。
款癸亥二月孫克宏製。

引首游藝適情嘉議大夫通政使司通政使
直內閣同修國史經筵官王槐鈐印三東廬
清卿之印昌黎王槐印

鑒藏寶璽

八

璽

樂壽堂鑒藏寶

收傳印記勤有堂藏書畫記法華山人憲副
王鏞寶藏

莫是龍雜書一卷

本幅二幅前宣德箋本臨鍾王雜帖十六段并識二後黃色箋本書論文十二則并識一前幅縱八寸二分橫九尺一寸首標癸未三月既望雲卿臨鍾王帖于長安寓中雪寒想勝常得張侯書賢從帷帳之悼甚哀傷不可言疾患自宜量力不復具得長風書靈樞幽隔卅年心想平昔痛慕崩絕豈可居處

抽裂不能自勝。謝書已欲日安厝。即其情事
長畢。奈何。松等隕慟。哀情頓泄。亦難可言。都
還未卜。聊示。墓田丙舍。欲使一孫于城西
一孫于都尉府。此繇家之嫡正之良者也。兄
弟共哀異之。哀懷傷切。都尉文岱自取禍痛。
賢兄慈篤情無有已。一門同恤。助以悽愴。如
何如何。旦極寒。得示承夫人復小効。不善
得。賊助反側。想小穢。復進何藥。念足下猶悚。

息卿可不吾昨暮復大吐小噉物便溺旦來
可耳知足下念日月如馳嫂棄背再周去
月穆想大祥奉瞻廓然永惟悲摧情如切割
汝亦增慕省疏酸感近得書即日又得永
興書甚慰想在道可耳吾疾故不沉滯憂悴
解日面近不見追尋傷悼但有痛心當奈
何得告慰之吾昨頻哀感便欲不自勝舉旦
復腹散行之益頓乏推理皆如足下所誨然

吾老矣。餘願未盡。惟在子輩耳。一旦哭之。垂
盡之年。將無復理。此當何益。冀小却消消散
耳。省卿書。但有酸塞。足下念顧言散所豁多
也。羲之頽首。思戀觸事。彌至。獻之既欲過
餘杭州。將若比還。京必視之。來月十左右。便
當發。奉見無復日。比告何喻。願復盡珍重。理
衛軍猶未平和。而哀勞殊未得盡消息。理
常以不寧。僕射得散力甚慰。表解臺職。不知

得恕不復冠軍。告懸企。新婦服地黃湯來。似減眠食。尚未佳。憂懸不去心。君等前所論事。想必及謝生未還。何爾進退不可解。吾當書問也。昨遂不奉面。悵恨深。體中復何如。弟甚頓。勿勿不具。獻之再拜。不審尊體復何如。昨夜眠多少。願盡寬喻。理憂馳可復言。若得消息者。婢等承更惡。不審頃痊復不。必須散時。終得力耶。此藥甚佳。想効舉體不。

能行履服遂差安西且無恙府君屬有和稀
久滯行路同人絕得此心故當攜其長幼詣
汝上下知彼絡繹有書示不足以慰吾意耶
冬間必欲至足下所居承使君明練不謂漸
有勝也君數集聚然其大都可耳吾止于月
半間耶 自識鍾王書法妙若天成學者一
日不在心手間下筆輒無佳趣矣偶得精楷
臨襟帖如右恨為世代所限不能追古徒然

三歎雲卿鈴印。二雲卿莫廷韓氏。臣違遠墳墓。奄冉五載。罔極之思。實結于中。前去郡已具陳聞。爾時聖恩垂矜。甚欲申其情事。但以被徵有大例。故令曲成之。仁不遂。臣於朝職不同。并急之制。今欲特乞假百日。以泄私口。猶復欲與中表少叙分張之懷。又臣姊劉氏在餘杭。當暫過省。若不得此。不容廻展。伏惟天慈。物通其志。必蒙聽許。以私上聞。伏用

祇悚臣言

外出謂公私可安耳勲賞既湊

亦已息望但使明公不遺有會不忘亦何憂
便餒耶民志不慕高情不忘榮懇懇祈訴唯
願離今任耳餘無所擇伏度朝恩不過存慰
故舊使蓬蒿與蘭蕙齊榮耳明詔爰發思已
被矣榮實厚矣何必須拜而治順許而弛令
日君臣之際差可得適願樂也若民有纖芥
少裨聖化亦當求自榮效而能臨殊寵必欲

免耶。思之實熟。萬無此理。古來亦未有量力而致深罪者。蔡司徒立帝主于御床。詔驛數反。其不祇順。正止于免黜耳。此外希不矜體者。違命誠為深愆。曲從實復過此。伏度天海容納。必當哀許。仰憑仁眷。唯願垂救。動成塵穢。轉難為顏。乃為覲謁。忽患齒痛。疼慘無賴。語迫罔知所厝。冒復啓訴。謹草上呈。罄竭款實。謂為粗盡。一豪虛矯。神明殛之。若民可作。

尚書令而使四海推慝者亦人誰不堪勲德
蓋世尚當有讓況民凡鄙而可寇竊耶王懷
祖先輩名流作此職可謂僉允桓宣武窺尚
書門猶言此中無人固知當之未易也劉既
不便彌不自宣故寄之翰墨益增繁忤饑渴
還旨願不作悠悠常誨耳獻之死罪州民王
獻之呈 衛軍猶未平和而哀勞殊未得盡
消息理常以不寧僕射得散力甚慰表解臺

職不知得恕否。復冠軍。告懸企。自識。王大

令開張爽朗。風骨高逸。此三帖在真行之間。

結體尤妙。鈴印二。雲卿。莫廷韓氏。後幅縱

六寸六分。橫二尺七寸五分。楷書。司馬相

如曰。合綦組以成文。列錦繡而為質。一經一

緯。一宮一商。此賦之迹也。賦家之心。包括宇

宙。總覽人物。致乃得之于內。不可得而傳

魏文帝曰。文章經世之大業。不朽之盛事。年

壽有時而盡。榮樂止于其身。二者必至之常期。未若文章之無窮。陸機曰。其始也。收視反聽。耽思旁訊。精驚八極。心遊萬仞。其致也。情曛曠而彌鮮。物昭晰而互進。傾羣言之澀液。漱六藝之芳潤。浮天淵以安流。濯下泉而潛浸。又曰。體有萬殊。物無一量。紛紜揮霍。情難為狀。辭程才以效伎。意司契而為匠。在有無而僂俛。當淺深而不讓。雖離方而遡圓。期

窮形而盡相 摯虞曰。假象過大。則與類相
遠。造辭過壯。則與事相違。辨言過理。則與義
相失。靡麗過美。則與情相悖。鍾嶸曰。詩有
三義。酌而用之。幹之以風力。潤之以丹彩。使
味之者無極聞之者動心。是詩之至也。若專
用比興。則患在意深。意深則詞蹙。專用賦體。
則患在意浮。意浮則詞散。劉勰曰。詩有恒
裁。體無定位。隨性適分。鮮能通元。若妙識所

難其易也將至忽之為易其難也方來江
淹曰楚謠漢風既非一骨魏製晉造固亦二
體譬猶藍朱成彩錯襍之變無窮宮商為音
靡曼之態不極沈約曰天機啓則六情自
調六情滯則音韻頓舛劉禹錫曰片言可
以明百意坐馳可以役萬景工於詩者能之
風雅體變而興同古今調殊而理一達於詩
者知之殷璠曰文有神來氣來情來有雅

體有野體鄙體俗體能審鑒諸體委詳所來
方可定其優劣李德裕曰譬諸日月雖終
古常見而光景常新梅聖俞曰思之工者
寫難狀之景如在目前含不盡之意見於言
外自識莫子曰觀前人之論如是則綴學
搽觚之士豈可易言哉雖其解悟人殊取裁
各異譬之探竒淵海游目五都無非珍者可
謂盡文章之變洩鬼神之祕矣暇日偶錄數

條貽之行甫。行甫於藝事無所不好。能于此。用心焉。當必進乎技矣。壬申仲冬。是龍書于元藻齋中。鈐印二。莫雲卿氏。莫是龍印。

鑒藏寶璽

金八

樂壽堂鑒藏寶

牧傳印記。劉炳圖印。松谷道人藏。劉韜士炳圖。初炳張培之印。張培式古堂書畫印。令之仙客式古堂書畫式古堂。